

## PROPISI O BEZBJEDNOSTI

Stazu ne koristite:

- Ako imate strah od visine ili ako patite od poremećaja ravnoteže,
- Ako imate implantante ili protetičke dijelove tijela,
- Ako imate trenutne povrede (posjekotine) ruku ili nogu,
- Ako ste skoro imali operativni zahvat,
- Ako imate srčanih problema,
- Ako imate oštećenu kičmu,
- Ako ste trudnica,
- Ako patite od visokog krvnog pritiska ili poremećaja rada bubrega,
- Ako ste pod dejstvom alkohola ili nekih drugih opijata.

Ako operateri ili instruktori uoče jedan od ovih elemenata kod potencijalnih korisnika Avantura parka, dužni su da uz usmeno upozorenje zabrane prisutnoj osobi mogućnost korištenja staze.

1. Prije korištenja staze korisnik je dužan:

1. da pročita sve tačke propisa o bezbjednosti/sigurnosti,
2. da učestvuje u kratkoj teorijskoj i praktičnoj obuci,
3. da savlada tehniku korištenja sigurnosne opreme,
4. da po završetku kratke obuke sa sigurnošću nastavi korištenje staze.

2. Ulaz u Avantura park maloljetnim osobama nije dozvoljen bez pratnje roditelja, ili staratelja. OBAVEZNO tokom korištenja staze maloljetnici moraju biti pod STALNIM nadzorom i kontrolom odraslog pratioca.

3. Samo osobama sa ulaznicom dozvoljeno je korištenje staza u Avantura parku. Ulaznicom osoba plaća pojedinačno korištenje staze za odgovarajući vremenski period, osim ako operater, ili instruktor u Avantura parku ne odluči drugačije.

4. Ulaznicu u Avantura park možete kupiti u vremenu od otvaranja parka i sve do sat vremena prije zatvaranja Avantura parka.

5. Samo poslije obuke i instrukcija za korištenje od strane instruktora, ili operatera, svaki korisnik dobiće sigurnosnu opremu koju mora koristiti tokom savladavanja visinskih prepreka na stazama.

Korisnik je odgovoran za stanje zadužene opreme koju mora čuvati i u ispravnom stanju, odmah po završetku korištenja staza, razdužiti. Zabranjeno je zadržavanje opreme pri silasku na zemlju, konzumiranje hrane ili cigareta dok je oprema na tijelu, ili napuštanje parka sa istom.

6- Zabranjeno je korištenje staza i visećih prepreka bez učestvovanja u kratkoj obuci, bez posjedovanja sigurnosne opreme i odobrenja instruktora Avantura parka.

7- Kratka obuka (početno objašnjenje) je OBAVEZNO i za djecu i za odrasle. Traje oko 20 minuta i uključuje objašnjenja o upotrebi sigurnosne opreme i tehnikama savladavanja visećih prepreka.

Tokom savladavanja prepreka sve nejasne situacije na stazi biće Vam detaljno pojašnjene od strane instruktora, ili operatera.

8- Svaki korisnik sve ponuđene instalacije u Avantura parku savladava samostalno i pod sopstvenom odgovornošću.

9- Na svakom prolazu / prepreci, može da bude samo 1 osoba. Prije početka prelaska prepreke, korisnik se mora uvjeriti da se na stazi (sajli) već ne nalazi neki korisnik. Tek kad prvi korisnik savlada prepreku, stane i osigura se na platformi, tada drugi korisnik može započeti svoj prelazak.

10 - Na svakoj platformi mogu stajati najviše 2 odrasle ili 3 maloljetne osobe.

11- Korisnici su obavezni da ČVRSTO SPAJAJU POJAS ZA BEZBJEDNOST / SIGURNOST tokom korištenja staze sve do silaska na zemlju, da poštuju uputstva koja su data tokom kratke obuke i da poštuju signalizaciju u parku. Oni su takođe obavezni da prate sugestije ili naredbe koje im daju instruktori ili operateri koji vrše nadzor sa zemlje.

12 – Bez obzira na visok stepen sigurnosti, korištenje staza podrazumijeva rizike vezane za normalne aktivnosti u sportu. Samim izlaskom na stazu Avantura parka, korisnik prihvata da se izloži riziku od lakših povreda.

13 - U slučaju potrebe, ili hitnih slučajeva na stazama / preprekama, instruktori Avantura parka će uvijek biti prisutni i dostupni korisniku.

14 - Ako dođe do ozbiljnih kršenja propisa od strane korisnika, instruktori imaju pravo da isključe i uklone korisnika sa staze bez obaveze vraćanja novca datog za ulaznicu.

15 - Rukovodilac Avantura parkom ima pravo da uskrati pristup stazi, kao i boravak u krugu Avantura parka svim licima koja su po njegovom mišljenju nepodobna, odnosno svim licima koja svojim ponašanjem ugrožavaju svoju i tuđu sigurnost.

16 – U vremenu kada Park ne radi, ili kada u Avantura parku nema osoba obezbjeđenja (operatera ili instruktora), STROGO JE ZABRANJENO korištenje visećih staza.

17 – Zabranjeno je praviti buku ili vrištati, tresti kablove i sajle, ljuljiti prepreke i bacati predmete na zemlju.

18 – Svaki korisnik zadržava ulaznicu kod sebe dok ne vrati sigurnosnu opremu, zbog mogućih kontrola od strane uprave Avantura parka.

19- Preporučujemo da pri savladavanju staza u Avantura parku koristite patike ili treking cipele i da dužu kosu sakupite i vežete.

20- Tokom korištenja Avantura parka zabranjeno je nošenje mobilnih telefona, fotoaparata, sunčanih naočara, ključeva itd. jer padanje tih predmeta može ugroziti bezbjednost osoba na zemlji. Osobe koje nose naočare moraju ih osigurati špagicom za naočare. Zabranjeno je nositi predmete kao što su šalovi, marame, satovi, narukvice, viseće naušnice, prstenje i slični vrijedni predmeti.

21 - Zbog sigurnosnih razloga posmatrači u Avantura parku ne smiju se kretati mimo obilježenih pješačkih staza. Zabranjeno je kretanje i boravak u području ispod visećih ruta.

22 - U Avantura parku STROGO JE ZABRANJENO pušiti, ili paliti vatru.

23 – Aktivnosti u Avantura parku mogu se prekinuti na kraći period usljed prolaznih vremenskih nepogoda ili iz nekih drugih tehničkih razloga. U tom slučaju, zatečenim korisnicima Avantura parka zaustavlja se vrijeme boravka u parku. Po sticanju uslova za

nesmetano korištenje Avantura parka, korisnici nastavljaju boravak u parku do isteka uplaćenog vremena.

Ako vremenski uslovi, ili neke druge okolnosti, prouzrokuju zatvaranje Avantura parka duže od 2 sata, ili do kraja radnog vremena, svi zatečeni korisnici u toj situaciju dobiće novu ulaznicu.

24 - Upravljač Avantura parka, kao i svi drugi posjetioци parka, mogu koristiti fotografije, filmove i druge video snimke napravljene u Avantura parku samo za promotivne i reklamne svrhe bez ikakve nadoknade.

25 -Upravljač Avantura parka „Kozara“ odbacuje svaku odgovornost u slučaju nepoštovanja propisa o sigurnosti.